

Aalisarnermut Piniarnermullu Naalakkersuisoqarfik  
Tigusisussaq: apn@nanoq.gl

## **Avataasiortunut TAC-mut tunngatillugu tusarniaaneq**

10. oktober 2022

Avataasiorluni aalisarnermi pissuseqatigiiaat ilaannut 2023-mi TAC-mut tunngatillugu tusarniaaneq 13/7-2022 ullulerneqarsimasoq naapertorlugu matumuuna Royal Greenland aalisarnerit pillugit oqaaseqarfigerusutaminik akissuteqarpoq.

### Kitaani qalerallit

Royal Greenlandip SFG-mit aappaagumut TAC-p 5%-inik apparnissaa pillugu siunnersuut isumaqatigalugulu tassunga ilutigalugu ukiup tulliuuttup aallartinnerani NAFO-mut noqqaassummik nassiussisoqarnissaa innersuussutigaa, noqqaassullu 2022-mi misissuinerit paasisat nutaat aallaavigalugit ukioq manna innersuussutip nalilersoqqinneqarnissaanik imaqassaaq. Umiarsuarmi nutaami Tarajoq-mi misissuinermit paasisat akuerineqarnissaat tikkuarneqarpoq, taamaaliornikkut paasisat 2019-meersut uteqqinneqassanngimmata.

### Kitaani saarulliit

Raajanik misissuinermit inernerit misissortissimavagut, matumanilu avataata imartaani siornatigornit saarulleqarnerunera oqaatigineqarlunilu aalisartut saarulleqarnerulersimaneranik oqariatuuteqarsimapput, taamaammata avataasiorluni saarullinniartoqalernissaanik innersuussuteqarusuppugut. Raajanik misissuinermit paasisat malillugit saarulliit katillugit oqimaassusaasa annertungaatsiarnerat ilimagineqarpoq, taamaammata misiliutitut pisassiinissamut piviusumilluunniit aalajangersaanissamut TAC-mik 5000 tonsinik aalajangersaasoqarnissaa aallaaviulluarsinnaavoq.

### Tunumi saarulliit

Ruslandimik isumaqatigiissuteqarnerup atorunnaarsinneqarnissaa naatsorsuutigineqassaaq, nunattalu taamaalilluni Barentip Imartaani saarulliit 4.000 tonsit annaassavai, tamatumalu kinguneranik umiarsuuateqarfippassuit annaasaqassapput. Annaasaqarneq Dohrn Bankemi pisassiissutit 24.000 tonsitut aalajangersarneqarsimasut amerlinerisigut matussuserneqarsinnaavoq. Pissuseqatigiiaat annerusumik Islandimeersuusut amerlassusaannut annikitsuinnarmik sunniuteqassaaq. Islandimi TAC 220.000 t. missaanniippoq.

Tunngaviusumik isumaqarpugut aalisarnermik aqutsinissamut pilersaaruteqartillugu pilersaarut malinneqartussaasoq, taamaattorli TAC-p aalajangersagaareersup misissuinernit tigussaasunit aallaaveqanngimmat annertusinissaa innersuussutigaarput.

Tamatuma saniatigut kingornalu Islandimik peqateqarluni ataatsimoorussamik aqutsisoqarnissaanut aalarnisaasoqarnissaa innersuussutigerusupparput.

#### Suluppaagaq

Suluppaagarniarneq pissuseqatigiiaanik marlunnik Sebastesinik tapertariisitsilluni aalisarnertut ingerlanneqartarpoq, matumanilu pissuseqatigiiaat marluusut aappaat siunnersuinermit toqqaannartumik aallisarneqanngillat, aappaallu 25.000 tonsit missaanniipput. Annerusumik S. norvegicus aalisarneqassapput, aammattaarli S. mentalla, maanna ilungersunartumik inissisimasut, aalisarneqassapput. Islandimit isumaqatigiissutip malinneqannginnera peqqutigalugu APN-ip suluppaakkanut pisassiissutit pineqartut amerlinissaannik kissaateqarpoq. Tamanna paasinarpoq, taamaattorli siunissaq ungasinnerusoq eqqarsaatigalugu aalisarnerulerneq suluppaakkamut arriitsumik alliartortartumut sunniuteqarnerlussinnaavoq. Taamaammat Island peqatigalugu erseqqissumik isumaqatigiissusiortoqarnissaa kaammattuutigerusupparput.

#### Pissuseqatigiiaat allat

Takussutissami 5-mi pissuseqatigiiaat toqqaannartumik aalisarneqanngimmata, pissuseqatigiiaat taakku aalisarneqartunut ilaappata saniatigut pisatut nalunaarsorneqassapput. Pisassiisoqassappat kingunissaa suussava? Amerlassutsit aalajangerneqarsimasut sipporneqarpata aalisarnerup nuunneqarneranik unitstittariaqalerneranilluunniit tunngavittut kinguneqarsinnaavoq. Taamaammat pisassiissutit annertussuilerneqarnissaat, matumani pingaartumik siunnersuinertaqanngippat, innersuussutigerusunngilarput.

Inussiarnersumik



Lisbeth Due Schönnemann-Paul

Senior Corporate Sustainability Advisor  
lisc@royalgreenland.com